

**Акафист Пресвятой Богородице
перед Ее иконой, именуемой
“Державная”**

Акафист Пресвятой Богородице перед Ея иконой, именуемой “Державная”

Кондак 1

Избранней от всех родов Заступнице рода христианскаго, покровом Своея благодости покрывающей страну нашу православную, благодарственная пения приносим Ти, Владычице, о явлении нам чудныя иконы Твоея “Державныя”. Ты же, яко Всемилостивая Заступница всех с верою к Тебѣ притекающих, от всяких нас бед свободи, да зовем Ти: Радуйся, Мати Божия Державная, Заступнице усердная рода христианскаго.

Икос 1

Ангелом радость приимшая, благоволила еси, Владычице, возвестити старце благочестивей радость о явлении иконы Твоея честныя “Державныя”, юже и обрѣтше по указанию Твоему, яко знамение милости Божией к нам, грешным, благодарственно вопиѣм Ти сице:

Радуйся, воли Господней тайны нам открывающая;
радуйся, гнев Его праведный, на ны движимый, умягчающая.
Радуйся, зловерия нечестивых обличение;
радуйся, гордыни их низложение.
Радуйся, веры христианския утверждение;
радуйся, почитания святых икон освящение.
Радуйся, тихое пристанище спасения душ наших;
радуйся, Всемилостивая Заступнице наша у престола Святыя Троицы.
Радуйся, от бед и скорбей наше избавление;
радуйся, Церкви Православныя утверждение.
Радуйся, звездѣ не вечерняго свѣта, нас озаряющая;
радуйся, Мать Свѣта, всех просвещающая.
Радуйся, Мати Божия Державная, Заступнице усердная рода христианскаго.

Кондак 2

Видящи, Всенепорочная, с высоты небснаго жилища Своего, идеже с Сыном Твоим во славе пребываеши, скорбь верных рабов Твоих, яко гнѣвнаго ради Божия посещения вера Христова поругаема бываѣт нечестивым зловерием, благоволила еси явити нам икону Твою “Державную”, да вси христоролюбивии людие усердно молятся пред нею, вопиюще Богу: Аллилуиа.

Икос 2

Рáзуму нашему просвещение свѣше исходатайствуй, Пресвятáя Богородице, да познаем, что есть воля Божия благáя, угóдная и совершенная, и сердце направи, еже со усердием творити ю, Тебѣ же, Всемиловитая Заступнице, непрестáнными глáсы восхваляти:

Рáдуйся, явлéнием честнѣя иконы Твоея тьму лѣотых обстояний от нас отгоняющая;

рáдуйся, лучáми чудес всех просвещáющая.

Рáдуйся, душѣвными и телесными очáми ослѣпших прозрѣние;

рáдуйся, омраченнх смѣслов просвещéние.

Рáдуйся, всех христиán вожделенная Помóщнице;

рáдуйся, всех уповáющих на Тя непостыдная надежда.

Рáдуйся, вдов и сирóт надежный покрóве;

рáдуйся, áлчущих Питáтельнице.

Рáдуйся, духовных сокровищ Подáтельнице;

рáдуйся, богомúдрых премúдрая добрóто.

Рáдуйся, пресвѣтлая, Божѣственная красотó;

рáдуйся, обоняние Христова благоухания.

Рáдуйся, Мáти Божия Держáвная, Заступнице усердная рóда христиánскаго.

Кондак 3

Сѣлу Божѣственныя благодáти даруй нам, Пресвятáя Богородице, во еже неуклóнно и непреткновѣнно ходити нам спасительным путём Христовых заповедей, сердцем же и устами непрестáнно воспевати Всемогúщему Бóгу: Аллилуиа.

Икос 3

Имúще Тя, Богоизбрáнная Заступнице рóда христиánскаго, яко зарю свѣтлую, просвещáющую душ наших темноту и разгоняющую мрак сердечнаго невѣдения нашего, припадаем к честнѣй иконѣ Твоей “Держáвней” и со умилéнием вопиём Ти сѣце:

Рáдуйся, сохраняти и спасати всех призывáющих Тя обеща́вшая;

рáдуйся, прославляющих Тя прославляющая.

Рáдуйся, к Сѣну Твоему и Бóгу нашему молитвы вѣрных приносящая;

рáдуйся, благодáть Твою иконам Твоим честным дарова́вшая.

Рáдуйся, всю вселенную лучáми Твоея благодáти озарившая;

рáдуйся, премúдрости Божия приятелище.

Рáдуйся, Божѣственныя благодáти Подáтельнице;

рáдуйся, яко Тобóю от вѣчныя смѣрти свободáемся.

Рáдуйся, яко Тобóю безконечныя жизни сподобáемся;

рáдуйся, честнѣйшая Херувим и слáвнейшая Серафим.

Рáдуйся, Мáтерь Свѣта и Царíце Небѣсная;
рáдуйся, Влады́чице, Семíлостивая за нас пред Бóгом Застúпнице.
Рáдуйся, Мáти Бóжия Держáвная, Застúпнице усѣрдная рóда
христиáнского.

Кондак 4

Бúря житѣйскаго мóря сокрушáет духóвный корáбль наш волна́ми мирскíх попечéний, и мир убóгих душ нáших мятѣтся. И где обря́щем тíхое пристáнище спасéния? Тóкмо на Тя возлагáем надѣжду, Влады́чице; имúщи бо держáву непобедíмую, от вся́ких бед, гла́да, скорбѣй и болѣзней избáви нас, вѣрно вопиúщих Бóгу: Аллилу́иа.

Икос 4

Слывшавше правослáвнии лю́дие повелéние Твое́, Влады́чице, молíтися пред óбразом Твоím “Держáвным”, со умилéнием сердéчным прибега́ют к Твоемú всесíльному заступлéнию у престóла Всемогúщаго Бóга и благоговéйно вопиúт Ти сýще:

Рáдуйся, гóрняго мíра украшéние;
рáдуйся, дóльняго мíра заступлéние.
Рáдуйся, Дщи благословéнная Отца́ Небѣснаго;
рáдуйся, Родíтельнице неискусомúжная Сы́на Предвѣчнаго.
Рáдуйся, дѣмонския полкí побеждаúщая;
рáдуйся, врагí спасéния человѣческаго посрамляúщая.
Рáдуйся, я́ко волею Твоею сокрушáются еретíческие главы́;
рáдуйся, я́ко вѣрнии Тобою сподобля́ются сла́вы.
Рáдуйся, телес нáших безмѣдная Целíтельница;
рáдуйся, душ нáших к Цáрствию гóрнему Путеводíтельница.
Рáдуйся, я́ко сотвори́ Тебѣ вели́чие Сíльный;
рáдуйся, я́ко призре́ на смирэние Твое́ Господь.
Рáдуйся, Мáти Бóжия Держáвная, Застúпнице усѣрдная рóда
христиáнского.

Кондак 5

Боготéчная звезда́ явíся нам, Влады́чице, честна́я Твоя́ икóна “Держáвная”, страну́ Россíйскую всю обтека́ющая и лучáми чудес Твоíх осиява́ющая всех блужда́ющих по мóрю стра́стнаго жити́я, мрак печáлей и мглу вся́ческих недúг и скорбѣй прогоня́ющая и наставля́ющая на путь спасéния с вѣрою к Тебѣ притека́ющих и вопиúщих Бóгу: Аллилу́иа.

Икос 5

Во дни лю́тых скорбей и злых обстоя́ний явила еси́ нам, Влады́чице, ве́лию ми́лость обрѣтениемъ честна́я ико́ны Твоея́ “Держа́вныя”, да вси с ве́рою моля́щиися предъ нею́ прииму́т здра́вие и душъ спасе́ние. Сего́ ра́ди и мы, прославля́юще Твое́ милосе́рдие неизрече́нное, усер́дно вопие́м Ти си́це:

Ра́дуйся, свети́ло незаходи́мое, све́том и́стиннаго богопозна́ния нас просвеща́ющее;

ра́дуйся, Врата́рнице, двѣри ра́йския ве́рным отверза́ющая.

Ра́дуйся, многотеку́щая река́ Божѣственныя благода́ти;

ра́дуйся, неисто́щимый исто́чнице святы́ни.

Ра́дуйся, ко благоче́стию на́ша Наста́внице;

ра́дуйся, душъ на́ших освяще́ние.

Ра́дуйся, ка́ющихся грѣшниковъ с Бо́гом примирѣ́ние;

ра́дуйся, до́брыя обе́ты приѣмлю́щая.

Ра́дуйся, благимъ намерѣ́ниям спосо́бствующая;

ра́дуйся, злы́я начинáния разруша́ющая.

Ра́дуйся, вра́жия ко́зни расторгáющая;

ра́дуйся, ско́рая челове́ком Помо́щнице.

Ра́дуйся, Ма́ти Бо́жия Держа́вная, Засту́пнице усер́дная ро́да христиáнскаго.

Кондак 6

Воспева́ем Твое́ милосе́рдие досточу́дное и мно́гое к нам снисхожде́ние, Пресвята́я Богороди́це, не престае́ши бо моли́тися о нас, грѣшныхъ, Сы́ну Твоему́ и Бо́гу на́шему, е́же отврати́ти гневъ Его́ пра́ведный, на ны двѣжимый, и поми́ловати всехъ ве́рно вопию́щихъ Бо́гу: Аллилу́иа.

Икос 6

Возсиява́ет в душа́хъ на́ших, омраче́нных ско́рбию и уны́ниемъ от мно́жества согрѣш́ний, светъ благода́тнаго утеше́ния, и се́рдце на́ше исполняется весе́лия и ра́дости, егда́ непреста́нными Твои́ми, Влады́чице, вразумле́ниями возбужда́еши нас вопи́ти к ще́дрому Бо́гу, да ми́лостив бу́дет и прости́т нам прегрѣше́ния на́ша. Не премолчи́ убо, Влады́чице, наста́вляющи и вразумля́ющи нас, зову́щихъ Ти си́це:

Ра́дуйся, в ско́рбехъ и болѣ́зняхъ долготерпе́нию нас науча́ющая;

ра́дуйся, вся помышле́ния на́ша к распя́тому за грехи́ ми́ра Спаси́телю устремля́ющая.

Ра́дуйся, страда́ния Его́ и крѣстную смерть в па́мяти на́шей обновля́ющая;

ра́дуйся, правосу́диемъ Бо́жиимъ к ожесточе́ннымъ и нераска́яннымъ нас устраша́ющая.

Ра́дуйся, ожида́нием бу́дущих небéсных благ нас усажда́ющая;
ра́дуйся, к насле́дству нетле́нному и ве́чному нас приводя́щая.
Ра́дуйся, насле́дниками Ца́рствия Бо́жия нас сотворя́ющая;
ра́дуйся, трапéзо свята́я, хле́бом жи́зни нас пита́ющая.
Ра́дуйся, ма́слино благопло́дная, елее́м ми́лости сердца́ умягча́ющая;
ра́дуйся, я́ко моли́твою пред ико́ною Твое́ю прие́млем духо́вное
утеше́ние.

Ра́дуйся, я́ко сердца́м на́шим да́руеши благода́тное сокруше́ние;
ра́дуйся, я́ко благосты́нею Твое́ю угаша́еши в нас огонь нече́стия.
Ра́дуйся, Ма́ти Бо́жия Держа́вная, Засту́пнице усер́дная ро́да
христиа́нского.

Кондак 7

Хотя́й всем челове́ком спасти́ся и в ра́зум позна́ния и́стины прии́ти,
преми́лосе́рдный Госпо́дь и Созда́тель наш посла́ во дни гне́внаго
посеще́ния Своего́ а́нгела пресве́тла в новоявле́нном о́бразе Твое́м
“Держа́внем”, да вси с ве́рою моля́щиеся пред ним, прии́мут по́мощь и
заступле́ние Твое́ всеси́льное и ра́достно вопи́ют Всемо́гущему Бо́гу:
Аллилу́иа.

Икос 7

Но́вую показа́ ми́лость всех Творе́ц и Влады́ка наш Госпо́дь, егда́ положи́
во гне́ве Свое́м наказа́ти род челове́ческий огне́м, мече́м, гла́дом и
боле́знями, сотвори́ си́е наказа́ние для мно́гих челове́ков ко вразумле́нию и
исправле́нию во спасе́ние душ. Сего́ ра́ди и мы, Влады́чице, припа́дающе к
Пречи́стому о́бразу Твоему́ “Держа́вному”, усер́дно мо́лим Тя: не да́ждь нам
поги́бнути до конца́, но милосе́рдия двéри отве́рзи нам, вопи́ющим Ти си́це:

Ра́дуйся, непристу́пнаго Божества́ селéние;
ра́дуйся, а́нгельское непреста́ющее удивле́ние.
Ра́дуйся, рабо́в Бо́жих та́йное вразумле́ние;
ра́дуйся, Засту́пнице всех су́щих в ско́рбех и боле́знях.
Ра́дуйся, благода́тное безстра́стие и́щущим его́ пода́ющая;
ра́дуйся, всех в чистоте́ целому́дря живу́щих зело́ лю́бящая.
Ра́дуйся, приста́нище небу́рное подви́жников благоче́стия;
ра́дуйся, гне́вом Бо́жиим вразумля́ющая сыно́в нече́стия.
Ра́дуйся, безмо́лвствующих сла́дкая Собесе́днице;
ра́дуйся, отше́льников Христа́ ра́ди кре́пкое упова́ние.
Ра́дуйся, по́стников Боже́ственное ра́дование;
ра́дуйся, пустынножи́телей ти́хое весе́лие.
Ра́дуйся, Ма́ти Бо́жия Держа́вная, Засту́пнице усер́дная ро́да
христиа́нского.

Кондак 8

Стра́нни и пришéльцы есмь на землѣ сей: жити́е бо на́ше суетно и маловре́менно есть. Мы же смéрти безвѣстное во ум никогда́же прие́млем, ни помышля́ем о Стра́шном суди́щи Христо́ве, в нёмже има́мы пра́ведному Судии́ предста́ти и да́ти отве́т о вся́ком же де́ле и сло́ве. Те́мже мо́лим Тя, Влады́чице: возбуди́ нас скоро от сна грехо́внаго, да не пости́гнет нас час смéрти неиспра́вленных и да сподо́бимся Твои́м ходата́йством получи́ти беззако́ннам на́шим прощэ́ние и во гла́се ра́дования воспевáти Христу́ Бо́гу: Аллилу́иа.

Икос 8

Вся бѣвши горé, к небéсным взята́ еси́ и земных не оставля́еши, Пресвятáя Богороди́це, священным Твои́м предста́тельством: има́ши бо дерзнове́ние к Сы́ну Твоему́ и Бо́гу на́шему. Те́мже утверди́, Влады́чице, в ми́ре глубóце странú на́шу правосла́вную и вся полéзная да́руй рабо́м Твои́м, да велича́юще воспева́ем Ти та́ко:

Ра́дуйся, умным очесéм на́шим го́рький и стра́шный час смéртный представля́ющая;

ра́дуйся, на кѣждо день, áки ужé на послéдний жити́я на́шего, взирáти нас навча́ющая.

Ра́дуйся, любѣти мир и я́же в ми́ре нам воспрещáющая;

ра́дуйся, пристра́стие к тлénному богáтству из сéрдца на́шего искореня́ющая.

Ра́дуйся, вся блага́ земна́я бѣти привре́менна и скоропребодя́ща нам показу́ющая;

ра́дуйся, сла́вы челове́чи, áки тэни пребо́дящая, иска́ти нам возбраня́ющая.

Ра́дуйся, я́ко сладча́йшее и́мя Го́спода Иису́са Христа́ уста́ми непреста́нно произноси́ти и во уме́ держáти нас побужда́еши;

ра́дуйся, я́ко от праздносло́вия, многоглаго́лания, па́че же от кощúнства нас удержи́ваеши.

Ра́дуйся, я́ко воздержáнию в пи́щи и пити́и приобучи́ти нас печéшися;

ра́дуйся, я́ко Твоé за нас ходата́йство си́льно есть пред Бо́гом, е́же не ввэ́рженным нам бѣти во тьму кро́мешнюю.

Ра́дуйся, я́ко при́сно внуша́еши нам омы́вати грехи́ своя́ слезáми покая́ния, да изба́вимся геéнны а́дския;

ра́дуйся, я́ко побужда́еши нас день и но́щь молѣ́тися, да не по́сланы бу́дем со де́моны му́читися.

Ра́дуйся, Ма́ти Бо́жия Держáвная, Засту́пнице усéрдная ро́да христиáнскаго.

Кондак 9

Всякое естество ангельское удивися делу Твоего милосердия, Господи, яко даровал еси нам только твердую и теплую Заступницу роду христианскому во дни гневаго Своего посещения, нам невидимо сопребывающую, слышащу же Тебе поющих: Аллилуиа.

Икос 9

Ветии многовещаннии, непросвещеннии светом истиннаго богопознания, поклонися златому тельцу. По слову же апостола, всяк любостяжатель есть идолослужитель. Сего ради Божие гневное посещение всему миру зряще, и мы, грешнии, смиренно молим Тя, Владычице: умилостиви Создателя, да потщится гнев Свой праведный преложити на милость и помиловати нас, вопиющих Ти сице:

Радуйся, яко Твоея помощи и заступления никогдаже нас лишашаши;
радуйся, яко ум наш, омраченный небрежением, светлым Твоим покровом озаряши.

Радуйся, яко Тобою от страстей телесных избавляемся;

радуйся, яко Тобою сладостей духовных исполняемся.

Радуйся, твердое Православия укрепление;

радуйся, честное Пресвятыя Троицы носило и похваление.

Радуйся, и во временней жизни полезная нам подающая;

радуйся, душевные раны наша елеем спасительным умащающая.

Радуйся, яко из рова беззаконий наших рукою Твоея помощи нас исхищашаши;

радуйся, яко греховный сон душевредная наша лени отрясаши.

Радуйся, душевное умиление и сердечное сокрушение в нас раждающая;

радуйся, яко твориши всем спастися, в державный покров Твой прибегающим.

Радуйся, Мати Божия Державная, Заступнице усердная рода христианскаго.

Кондак 10

Спастии хотя многия люди от обдержавших их скорбей и болезней и веру их утвердити во всеильное заступление Твое, Владычице, даровала еси нам изображение честныя иконы Твоея “Державная”, да вси, видяще являемую Тобою милость, вопиют со умилением Богу: Аллилуиа.

Икос 10

Стенá явѣлася есѣ, Богородице Дѣво, Россійстей странѣ честнѣими Твоѣими икѣнами, изливаючи чудеса во бранѣх и осеняючи благодатною по́мощию Твоѣю христоролюбѣвых воинов. Под держáвным бо покрѣвом Твоея б́лагости Россійская странá созидáшеся, и вратá áдова не одолѣша Правослáвныя Цѣркве Христовы. Сего́ ради припадающе к честнѣй икѣне Твоѣй “Держáвней”, радостно вопиѣм Ти сѣце:

Рáдуйся, Россійския страны покрѣве и утверждѣние;

рáдуйся, от нашѣствия иноплемѣнных избавлѣние.

Рáдуйся, сущих в пленѣнии свобождѣние;

рáдуйся, от гла́да и болѣзней на́ше спасѣние.

Рáдуйся, са́де землѣ обетовáния;

рáдуйся, цвѣте Божѣственнаго саждѣния.

Рáдуйся, лозѣ добродѣтельная винограда Христова;

рáдуйся, дрѣво чудотѣчное рая́ Иисусова.

Рáдуйся, жилище и дом Христа́ Бѣга на́шего;

рáдуйся, вместѣлище неизречѣнныя Егѣ сла́вы.

Рáдуйся, Влады́чице, Всемѣлостивая Подáтельница щедрѣт;

рáдуйся, я́ко мно́го мѣжет молѣтва Твоя́ пред Сынѣм Твоѣим и Бѣгом на́шим.

Рáдуйся, Мáти Бѣжия Держáвная, Застѣпнице усѣрдная рѣда христѣанскаго.

Кондак 11

Пѣние хвалѣбное и благодарственное приносим Ти, Влады́чице, под держáвным бо покрѣвом Твоея б́лагости пребывáем в непосты́дней надѣжде всесѣльнаго заступлѣния Твоегѣ за нас, грѣшных, и все упѣвание на́ше на Тя возложѣвше, радостно вопиѣм Бѣгу: Аллилу́иа.

Икос 11

Светѣльницы на́ши угасѣша, елѣя же благѣх дел не ймамы, во ѣже возжѣщѣ благодáть Дѣуха Свята́го. И где обря́щемся, окаяннии, сном грѣхѣвным отягчѣннии, егда́ пости́гнет нас внеза́пу в полу́нощи час кончѣины на́шея? Но да не услѣшим и мы, я́коже юрѣдивыя дѣвы, грѣзнаго гла́са Жениха́: не вем вас! Помозѣ нам, Влады́чице, напѣлнити сосѣуды душ на́ших елѣем благѣх дел, пáче же милосѣрдия и смирѣния, да благодарственно воспоѣм Ти сѣце:

Рáдуйся, я́ко воспоминáнием грядѣщаго грѣзнаго сѣда Бѣжия от грѣхѣв нас отрѣвáеши;

рáдуйся, я́ко дѣуши на́ши, áки невѣсту, ко срѣтѣнию прекрáснаго Жениха́ Христа́ предуготѣвляти нас поучáеши.

Рáдуйся, я́ко возбужда́еши нас на всяк день же и час приноси́ти Христу́ Бо́гу моли́твы, проше́ния и благодарéния;

ра́дуйся, я́ко с му́дрыми де́вами, душа́ми пра́ведных, вни́ти в бра́чный черто́г Сы́на Твоего́ и Бо́га на́шего помога́еши.

Рáдуйся, я́ко в ри́зу непоро́чности и чистоты́ облещи́ся нам спосо́бствуеши;

ра́дуйся, я́ко ста́ти нам на Стра́шнем суде́ Христо́ве одесну́ю Его́ ходата́йствуеши.

Рáдуйся, я́ко благоутро́бие Бо́жие о причáстии нас ли́ку избра́нных умоля́еши;

ра́дуйся, я́ко ум наш, омраче́нный небреже́нием, све́том Свои́м озаря́еши.

Рáдуйся, я́ко голу́бину простоту́ и а́гнчу крото́сть стяжа́ти нам прии́скренно жела́еши;

ра́дуйся, я́ко самоотверже́нию и отрече́нию от злы́я на́шея во́ли приобучи́ти нас тщи́шися.

Рáдуйся, я́ко младе́нческое незло́бие дарова́ти нам спосо́бствуеши;

ра́дуйся, я́ко хла́дное се́рдце на́ше моли́твами воспламеня́ти нам помога́еши.

Рáдуйся, Ма́ти Бо́жия Держа́вная, Засту́пнице усер́дная ро́да христиа́нского.

Кондак 12

Благодáть прия́ла еси́, Влады́чице, от Всемогúщаго Го́спода Бо́га ми́ловати благочестíвых ча́д Це́ркве Христо́вы и вразумля́ти нечестíвых сыно́в ея́. Сего́ ра́ди, притека́юще под держа́вный покрóв Твоея́ бла́гости, усер́дно мо́лим Тя, Влады́чице: изба́ви нас от ухищре́ний духо́в зло́бы, расслабля́ющих на́ши ду́шу и те́ло ле́ностию и нераде́нием, и возбуди́ нас от сна грехо́внаго, да благодарственнó вопие́м Бо́гу: Аллилу́иа.

Икос 12

Пою́ще Твоя́ чудеса́, быв́шая в дрéвняя и настоя́щая времена́, хва́лим Тя, Влады́чице, я́ко живонóсный исто́чник благодáти и неисто́щиму́ю чудес реку́, бе́здну бо ми́лости и щедро́т дарова́ла еси́ ро́ду христиа́нскому явлéнием честны́х ико́н Твои́х. Сего́ ра́ди и мы, припада́юще к честне́й ико́не Твое́й “Держа́вней”, со умилéнием вопие́м Ти си́це:

Рáдуйся, Це́ркве Небе́сных и земны́я украше́ние;

ра́дуйся, де́вства честны́й покрóве и огражде́ние.

Рáдуйся, све́тлое проро́ческое сбы́тие;

ра́дуйся, всехва́льных апо́столов восхвалéние.

Рáдуйся, честна́я похвало́ иере́ев благоговéйных;

ра́дуйся, мо́лние, неvéрных устраша́ющая.

Ра́дуйся, сла́вою чудес Твои́х ве́рных смы́сли озаря́ющая;
ра́дуйся, печа́ль и скорбь на́шу в ра́дость претворя́ющая.
Ра́дуйся, я́ко мо́лиши Сы́на Твоего́ и Бо́га на́шего всем нам спасти́ся;
ра́дуйся, я́ко твори́ши ми́лости всем в держа́вный Твой покрóв
притека́ющим.

Ра́дуйся, Засту́пнице всех су́щих в ско́рбех и боле́знях;
ра́дуйся, всем с ве́рою Тебе́ моля́щимся поле́зная да́рующая.
Ра́дуйся, Ма́ти Бо́жия Держа́вная, Засту́пнице усер́дная ро́да
христиа́нского.

Кондак 13

❖ всепе́тая Ма́ти, Держа́вная Влады́чице! Приими́ ны́не сие́ ма́лое моле́ние
на́ше и вели́чия ра́ди бла́гости Твоея́ и неизрече́нных щедро́т Твои́х не
помяни́ мно́жества грехо́в на́ших, но испо́лни во благи́х проше́ния на́ша:
да́руй нам вся потре́бная к жи́зни и благоче́стию, изба́ви нас от гла́да,
боле́зней и печа́ли, и Ца́рствия Небе́снаго насле́дники всех сотвори́, ве́рно
вопи́ющих Бо́гу: Аллилу́иа.

Этот кондак читается трижды, затем Икос 1 и Кондак 1.


Молитвы Пресвятой Богородице перед Ея иконой, именуемой “Державная”

Молитва первая

❖ Держа́вная Влады́чице Пресвята́я Богоро́дице, на объ́ятиях Свои́х
держа́щая Содержа́щаго всю вселе́нную Царя́ Небе́снаго! Благодарим Тя
за неизрече́нное милосе́рдие Твое́, я́ко благоволи́ла еси́ я́вити нам, грешным и
недостойным, сию́ святу́ю и чудотворную ико́ну Твою́ во дни сия́ лука́выя и
лю́тыя, я́ко вихрь, я́ко бу́ря вну́тренняя наше́дшая на страну́ на́шу, во дни
уничже́ния на́шего и укорения́, во дни разоре́ния и поруга́ния святы́нь
на́ших от люде́й безу́мных, и́же не то́чию в се́рдце, но и устна́ми дерзостно
глаго́лют: несть Бог: и в де́лах сие́ безбо́жие показу́ют. Благодарим Тя,
Засту́пнице, я́ко призрела́ еси́ с высоты́ святы́я Своея́ на ско́рби на́ша и горе́
чад правосла́вных, и я́ко со́лнце све́тлое, увеселя́еши изнемо́гшия от печа́ли
очеса́ на́ша пресла́достным зрени́ем Держа́внаго о́браза Твоего́. О,
Преблагослове́нная Ма́ти Бо́жия, Держа́вная Помо́щнице, кре́пкая
Засту́пнице! Благодаря́ще Тя со стра́хом и трéпетом, я́ко раби́ непотре́бнии,
припада́ем Ти со умиле́нием, с сокруше́нием серде́чным и со слеза́ми, и
мо́лим Тя и стенья́ще вопи́ем Ти: спаси́ нас, спаси́! Помози́ нам, помози́!

Потщіяся: погибáем! Се живóт наш áду прибли́жися: се обышédше обыдóша нас гресí мно́зи, беды́ мно́зи, вразí мно́зи. О, Небéсная Царíце! Скипетром вла́сти Твоея́ Божéственныя разсéй, я́ко прах, я́ко дым, нечистíвыя кóзни врагóв нáших вíдимых и невíдимых: сокрушí велерéчивыя помышлénия их и запретí им: и я́ко Мáти всех, на путь прáвый и богоугóдный настáви их. Вкоренí в сердцá всех нас прáвду, мир и рáдость о Дúсе Святе: водвори́ в странé нáшей тишинú, благодénствие, безмятэ́жие, любóвь друг ко дру́гу нелицемéрную. Держáвою Твоею́ всесíльною удержí, Пречíстая, пото́ки беззакóнныя, хотя́щия потопíти Зéмлю Рúсскую в стра́шной пучíне своéй. Поддержí нас слáбых, малодúшных, немощн́ых и уны́лых, укрепí, возста́ви и спасí: я́ко да под Держáвою Твоею́ всегда́ хранíми, поём и велича́ем Пречестнóе и Великолéпое íмя Твое́, ны́не и прíсно и во вéки веко́в. Амíнь.

Молитва вторая

 мíра Застúпнице, Мáти Всепéтая! Со стра́хом, véрою и любóвию припада́юще пред честнóю ико́ною Твоею́ Держáвною, усéрдно мо́лим Тя: не отврати́ лица́ Твоегó от прибега́ющих к Тебé. Умоли́, милосéрдная Мáти Свéта, Сýна Твоегó и Бóга нáшего, Сладча́йшего Гóспода Иисúса Христа́, да сохранíт в мíре странú нáшу, да утверди́т держáву нáшу в благодénствии и избáвит нас от междоусóбныя брáни, да укрепíт святу́ю Цéрковь нáшу Правослáвную, и непозы́блему соблюде́т ю от неверíя, раскóла и е́ресей. Не íмамы бо инýя пóмощи, рáзве Тебé, Пречíстая Дéво: Ты еси́ всесíльная христиáн Застúпница пред Бóгом, прáведный гнев Егó умягча́ющая. Избáви всех, с véрою Тебé моля́щихся, от падéний грехóвных, от наве́та злых челове́к, от гла́да, скорбéй и болéзней. Дáруй нам дух сокрушénия, смире́ние сéрдца, чистотú помышлénий, исправлénие грехóвныя жíзни и оставлénие согрешénий нáших; да вси, благодарне воспева́юще вели́чия Твоя́, сподóбимся Небéснаго Цáрствия и та́мо со все́ми святы́ми прослáвим пречестнóе и великолéпое íмя в Трóице сла́вимаго Бóга: Отцá, Сýна и Свята́го Дúха. Амíнь.

**Тропарь Пресвятой Богородице перед Ея иконой,
именуемой “Державная”**

Тропарь, глас 4

Ангелов ли́цы благоговѣ́нно Тебѣ́ служат / и вся Небѣ́сныя сѣ́лы
немолчными гласы́ Тя ублажа́ют, Богоро́дице Дѣво; / усердно мо́лим Тя,
Влады́чице, / да пребу́дет Божѣ́ственная благода́ть на честне́й ико́не Твое́й
“Держа́вней”, / и светоза́рный луч сла́вы чудес Твои́х / да нисхо́дит от Нея́ на
всех с верою Тебѣ́ моля́щихся // и вопи́ющих Бо́гу. Аллилу́иа.

Тропарь, глас 4

Гра́да Сио́нска взыску́юще, / под Твое́ покрóв, Дѣва Чѣ́стая, днесь
притека́ем, / и никто́же возмо́жет на ны, / я́ко несть град сѣ́лен, / а́ще не
Су́щаго Бо́га, / и несть и́на крѣ́пость, // а́ще не мѣ́лость Влады́чицы Дѣвы.

Величание

Велича́ем Тя, / Пресвята́я Дѣво, / Богоизбра́нная Отрокови́це, / и чтим
Держа́вный о́браз святы́ни Твоея́, / и́мже пода́еши ве́лию мѣ́лость // всем,
с ве́рою к нему́ притека́ющим.